



BIBLIOTHECA
UNIV. JAGELL.
GRACIENSIS



Mag. St. Dr. P

59924

Febr. 3093

Carm. Ordinis F. B. M. V. Apex Theologiae septentrionalis
i. in Conclusiones Suae Theologiae

opex theologice sapientiae (Conclusions
suae theologicae).

Christophorus Gauenianus

A P E X
T H E O L O G I C Æ
S A P I E N T I Æ,

Multi iugo Sacræ eruditionis culmine

S V C C R E S C E N S,
Propositis publicæ Disceptationi
C O N C L U S I O N I B V S
In Arenensi ad Cracouiam Carmelo

Sub tempus
C O M I T I O R V M P R O V I N C I A L I V M
O r d i n i s F F . B . M . V .



de Monte Carmelo,
Prouinciæ Polonæ,
Florentissimæ Nobilissimorum Ho-
spitum Coronæ,

E X P O S I T V S.

*Anno venientis ad Minimos, Maximi Dei Hominis ;
1681. die 22. Mens: Iunij. Horis pomeridianis.*

C R A C O V I Æ , T y p i s V n i u e r s i t a t i s .

I N S T E M M A

Reuerendissimi Patris.



59924ⁱⁱⁱ

Candida succrescunt trino Tibi Lilia flore,
Et triplex rutilo, sydere stella micat :
Ut niueo castos prodant in pectore mores,
Accendunt nitidas, Astra vel ipsa faces.

Supremo Orbis HELIANI Præsidi,
REVERENDISSIMO PATRI,

P. FERDINANDO
TARTAGLIA,
SACRÆ THEOLOGIÆ MAGISTRO,
Totius Ordinis Fratrum B. ac Gloriosissimæ DEI
Genitricis, semperq; V. MARIÆ de Monte Carmelo
PRIORI GENERALI.
Commisario & Visitatori Apostolico,
Sacræ Congregationis Indicis Consultori

Patri ac Patrono Colendissimo.



*Vi sublimia inter Scientiarum fastigia, cæ-
lis ipsis primæuum culmen infert, Theolo-
gica Sapientiæ apex, Tibi Magnosq; No-
mini Tuo, prona se veneratione inclinat*
REVERENDISSIME PATER. Non
habet quo altius ascendat; quam si unâ nobiscû supplex
ambiat pedes Tuos; quibus substratus HELIANI
CARMELI vertex, calcari non renuit: dum immor-
talia virtutum Tuarum, & paterni in omnes Amoris ve-
stigia, legit & coronat. Compendium hoc altioris Sapien-
tiæ, in Te altissimo Ordinis Nostri Præsidi, inuenit, un-
de celsius assurgat: dum Illam omnis Encyclopædiæ Sedem,
tota Pallade infessum Caput Tuum veneratur ac stupet:
quod & Sapientia nuper Romana Sapientissimum audit;
& laurus coronaq; honoris multiplex gloriose incinxit.
Umbra verò laboris nostri, dum luci publicæ commit-
timus: unde illustrius patrociniû habeamus? quâ si à stellis
Tuis oriturû exoremus; quæ dum inter Carmeli Sydera,
primæ magnitudinis loco eminent; non minus lucent quâ
patent omnibus. Diem circumferre potius, quam noctium
tenebris inuolui natæ, neutiquam fuere Pleiades: sudum

(2)

Sere.

serenūq; extra nubila quæ uis Carmelum faciunt: turbines nimboſq; tristes non prouocant; sed dulci gratiarū procellâ, & aureo uerius imbre, in omnium uotâ & amores depluunt ac exundant. His monstrantibus astris uiam; currimus in odorem quoq; Liliorum Tuorum: trahimurq; illo Paterni cordis Tui candore, qui illime ebur niuesq; suas, è candida HELIANI Imperij Trabeâ, & basilico auiti Decoris Lilieto, plus quàm dibaphas fecit; geminâ honoris uirtutisq; tincturâ, duplici uelut Helix Spiritu impleuit & ornauit. Percurrit ac recreat Carmelum quâ patet uniuersum, perfectissima, in trino Principe Florum, Lilio Tuo, suauissima moderationis fragrantia: quidni in Arenensi Violetto Hyblam peculiarem spiret? ubi Regalibus olim Purpuris, Polonia Regina, Lilium inter Spinâs MARIA, non suauem minus quàm salutarem, sterilibus ab arenis odoris fecunditatem parturit, interq; tot fauētissimos cælestium gratiarum Fauonios, milleq; Ambrosias, hic sibi perennem Hymetthum esse uoluit. Arenæ non aureo fluctu gemmarumq; procellis tumida, sed Mari gratiarū felices, eo subiecta uenerationis tributo, Tuæ in se gratiæ & affectus paterna uestigia signât. In nobis quidquid in illis eruditum surgit; ad Tuos decreſcit pedes, ut sub Tuo fecundius crescat, eminentius surgat patrocinio. Pius itaq; in Tui cultū, conatibus nostris, plena Lilijs Manus Tua, paterno fauore annuat, & uotis subscribant Astra secundis: ut illa diutissime nobis dulci imperio floreat; hæc intaminatis fulgeant honoribus; tot ab Arenis uota fundimus, quot arenæ maris sunt. Ita uouet & precatur.

Reuerendissimæ Paternitatis Vestræ,

Deuotissimum.

Studium formale Theologicū FF. B. V. M.
de Monte Carmelo Conuentus Cracouiē.



CONCLVSIONES SACRÆ THEOLOGIÆ.

I.

Theologia est vera Scientia; magis Speculatiua quàm Practica, si secundum se, & ex parte finis sui intrinseci spectetur. Obiectum eius principale est **D E V S**, partim vt existens, partim vt remunerator. Conclusio eius supernaturalis est. Entis supernaturalitatem per illud explicando, quod sit ratio superans exigentiam illius, cui, siue vt Causæ Materiali, siue vt Causæ Efficienti, aliquid esse supernaturale dicitur.

II.

D E U M existere, & quidem vnum sine pluralitate, Fides docet, & ratio demonstrat: vnde in nullo homine, quantumuis rudis & hebetis ingenij, si ratione vtatur, dari potest vnus **D E I** existentis ignorantia positiua inculpabilis; licet in tali homine, rudi, sibi relicto, ignorantia negatiua inculpabilis dari possit.

III.

I N D E O, qui est in omni genere entis infinite perfectus, dantur perfectiones, quæ **A**tributa dicuntur; est igitur **D E V S** Immutabilis; **Æ**ternus; **I**mmensus; **S**implicissimus, sine vlla intrinseca distinctione **E**ssentiæ ab **A**tributis, aut **A**tributorum inter se; proinde has & similes Propositiones, *Paternitas generat, Essentia non generat; Filiatio produciuntur, Essentia non produciuntur*; Fide credimus, sed ratione non assequimur; quæcunque enim excogitata distinctio, erit vel ad illas verificandas inutilis, vel simplicitati **D E I** iniuriosa.

IV.

Visio beatifica est clara **D E I**, prout in se est cognitio; hæc per nullam Speciem creatam, siue Impressam, siue Expressam, haberi potest; sed per solam visionem Increatam, Beatorum mentibus vnitam, in qua vnione vel apparentem aliquam,

A

ostē-

ostendi posse implicantiã diffidimus; cum similem de facto credendam Nobis Catholica fides proponat. Hãc visione positã, pro meritorum inæqualitate dabimus inæqualem, si verò Creatam supponas, pro intellectuũ cæteris paribus inæqualitate. Beati clarè vident DEVM vnum & Trinum, adiuti Lumine gloriæ, ab ipsa visione Increata, sub munere eleuantis intellectum supra vires suas naturales spectatã, realiter non distincto.

V.

Intellectum esse visionis capax subiectum, satis conuenit; nõ ita, an Oculus Corporeus sit tale: si tamen sumatur, quã in uirtutem mentis quodammodo conuersus fauorabilem habere poterit S. Augustini mentem. Beati visione beatificã, formaliter ex parte vnionis præscindere possunt. Probabilis videtur, etiã alijs Sanctis, præter Christum, & Deiparam Virginem, concessam fuisse in hac vita mortali transeunter visionem beatificam.

VI.

Omninò probabile est, quòd Beati ea omnia videant; quæ in via per Fidem infusam crediderunt; etiã futura, quæ pertinent ad statum illorum, quem in sæculo habuerunt, vno die Iudicij vltimi excepto; idq; in verbo siue Essentia Diuina, vt obiectiue sua visione. Et si omnes omninò Creaturas, etiã possibles viderent, DEVM minimè comprehenderent.

VII.

Cognoscit DEVS Futura Contingentia Libera certò & infallibiliter Scientiã visionis; quã etiã, secundum quod adiunctam habet voluntatem Diuinam, attingit efficienter Creaturas. Conditionatè autem futura, cognoscit DEVS per scientiam latè Mediam, quam solùm & non strictè Mediam admittendam esse, resoluius.

VIII.

Voluntas DEI quã contingenter libera, non per quemcũque effectum Omnipotentia Diuinã, sed per solam volitionem Creatam Essentia Diuinã per modum vnionis hypostaticæ intrinsecè adhærentè, rectè constituitur. Non omnis respectu Obiecti sui totalis semper adimpletur.

IX.

DEI ad Nos non datur rigorosa Iustitia, hoc sensu, quod ipse ex debito iuris nostri aduersus ipsum rigorosè, & in solidum, teneatur facere, & semper faciat nobis, quod hic & nunc

nunc nobis retribuit. Prouidentiam DEI consistere, tum in actu intellectus, tum in actu voluntatis, defendimus.

X.

PRædestinatio est præscientia & præparatio beneficiorum DEI, quibus certissimè liberantur, quicumq; liberantur. Hæc liberantur homines, à damnatione, quâ iam tenentur, obstricti; non quidem per gratiam actualem à voluntate humana determinabilem, sed per gratiam actualem, voluntatis humanæ efficaciter ad finem vsq; determinatiuam, nulloque peccato mortali interrumpendam, idq; gratis omninò. Mali posituè reprobantur ex præuiso peccato lethali finali, nulli ex mero DEI beneplacitò.

XI.

Tres sunt qui testimonium dant in Cælo, Pater, Verbum, & Spiritus Sanctus, & hi tres unum sunt: hic cæcutit ratio Nostra Naturalis: supposita tamen reuelatione, nonnullæ pro hac veritate adferri possunt congruentiæ purè Naturales.

XII.

Pater à nullo est factus, nec creatus, nec genitus: constituitur igitur formaliter non Processione aliqua sed relatione generantis ad Filium, & Spirantis ad Spiritum Sanctum.

XIII.

Filius à Patre solo est, non factus, nec creatus, sed genitus, generatione actiuâ, passiuæ indiuisibiliter obiectiuè identificatâ. Spiritus Sanctus à Patre & Filio, non factus, nec creatus, nec genitus, sed procedens, spiratione actiuâ, passiuæ indiuisibiliter obiectiuè identificatâ.

XIV

Filius gignitur, quia procedit à principio quo ex se necessario, scilicet intellectu; Spiritus Sanctus verò non gignitur, quia procedit à principio quo ex se libero, id est voluntate.

XV,

Nihil vetat admittere in Deo tres existentias Relatiuas, & vnâ Absolutam. Relatiuæ autem vt tales perfectiones sunt, non simpliciter, sed cum addito, vt Relatiuæ.

XVI.

Non datur Subsistentia quarta absoluta, quatenus hæc significat id, quod naturam ultimò terminat, & dat illi esse incommunicabile alteri tanquam supposito. Tres autem Subsistentias Relatiuas, positiuas reales esse affirmamus.

XVII.

Verbum procedit ex omnium omninò intuitiua DEI Patris cognitione, ac proindè Essentiæ, Attributorum, Personalitatum, & Entium possibilium; non tamen ex cognitione intuitiua futurorum, nisi quâ parte Increata est, & formale constitutum creatum, quâ contingens non inuoluit.

XVIII.

Recta Fides docet contra Græcos Schismaticos, Spiritum Sanctum à Patre & Filio, vnica spiratione procedere, idque vero similis liberè, non quidem libertate contingentis, sed libertate Spontaneitatis siue Processionis Naturalis Voluntatis Diuinæ.

XIX.

In hypothesi, quâ Spiritus Sanctus non procederet à Filio, procedere tamen à Patre per voluntatem supponitur; adhuc Spiritum Sanctum distingui realiter à Filio firmiter tenemus.

XX.

Missio Diuinarum Personarum in eo specialiter consistit, quod sit vnus Personæ Diuinæ ab alia Processio aterna ad temporalem apparentiam, vel operandum temporaliter aliquem effectum insolitum.

XXI.

Gratia, virtus subiiciens appetitum rectæ rationi, immunitas ab ignorantia in qua hodie nascimur, à morte corporea, & cæteris corporeis miserijs, fuerunt in primo homine gratuita DEI beneficia, non Naturalis eius conditio.

XXII.

Sine gratia actuali interna nihil potest homo vt oportet ad Salutem, vt DEVM supernaturaliter amare, tentationem vel vnâ grauem superare, totam legem naturalem longo tempore seruare; potest tamen DEVM amare Natu-

raliter

taliter super omnia, actum aliquem bonum internum & honestum elicere, & leues ac mediocres tentationes distributiue superare.

XXIII.

PRæter gratiam sufficientem communem bonis & malis, rectè assignatur gratia efficax pro solis prædestinatis quâ DEVS operatur in eis velle & perficere; ipsum velle sic donans, vt etiam illam mutabilitatem, quâ possint nolle quocunque instanti determinato, non auferat.

XXIV.

GRatiâ habitualis est homini iustificato intrinsecè inhaerens. Siltendo in ratione realiter non distinguitur à Charitate habituali, secùs ab actuali, quæ vt etiam Contritio perfecta, est vltima dispositio ad gratiam Sanctificantem, non verò ipsa Forma Sanctificans.

XXV.

HÆc gratia Sanctificans, non ita cum peccati Mortalis essentia pugnat, quin in eadem anima de absoluta DEI potentia componi valeat; contrarium de Contritione perfecta asserimus.

XXVI.

ATTentâ lege supernaturalium ordinariâ, Iustorum opera, facta ex gratia, sunt de condigno vitæ æternæ meritoria; secùs dicendum, attentâ lege supernaturalium extraordinariâ. Meritum in Spe, nobis suspectum est.

XXVII.

AD meritum propriè dictum, requiritur libertas à necessitate, sufficit tamen, quæ à Capite morali participatur. Voluntas determinata ad duos actus omninò æquales, vnum præ alio eligendo, non meretur.

XXVIII.

AD meritum præmij supernaturalis, præter statum Sanctitatis, requiritur actus honestus supernaturalis, licet non

B

debeat

debeat procedere ex motiuo Charitatis; non esse tam intensus, ac habitus, à quo procedit.

XXIX.

Vnus aut plures gradus præmij respondent, non solis actuum Charitatis, à iusto elicitorum gradibus, sed cuiuslibet etiam inferioris virtutis, modo tales actus in statu viæ eliciantur, qui tam diu durat, quam diu agit homo vitam mortalem, sub lege mortalitatis.

XXX.

Ultima ad Iustificationem extra Sacramentum dispositio meretur primam gloriam; item primo suæ existentiae instanti primam gratiam habitualem. Perseuerantiâ in actu secundo vt præmium, non vt principium, cadere potest, sub condignum meritum procedens ex gratia Speciali Christi.

Ad M. D. M. N. A. & S. P. E.
aliorumq; SS. O. N. Gloriam.

Publico exponentur Certamini Cracouiæ ad
Miraculosas DEI MATRIS ARENAS in Studio Generali
Ordinis Fratrum Beatissimæ Virginis MARIÆ de Monte Carmelo.

Ad obiecta Respondebit R. P. ZENOBIVS KRASZOWSKI S. Theol: Cursor eiusdem Ordinis.

Sub Præsidentia R. ac V. P. MARTINI BEHM. S. Theol: in Alma Vniuersitate Cracouiensi Doctoris dicti Studij Regentis ac Præfecti.

Anno Domini 1681. Mense Iunio Die 22. Horis Pomeridianis.



7. XII. 21

